

Ո Ր Ո Շ ՈՒ Մ N 164/1
/վարչական տույժ նշանակելու մասին/

«12» ապրիլի 2019թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Կարեն Բաբայանս, քննելով «Ալֆա Ֆարմ Իմպորտ» ՓԲ ընկերության (ՀՎՀՀ 02606482, հասցե՝ Հայաստան, Երևան 16368, Սարմենի 1) տնօրեն Միքայել Մացակյանի (անձնագիր՝ AK0457212) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

«Ալֆա Ֆարմ Իմպորտ» ՓԲ ընկերության կողմից թիվ 05100033/301118/0087663 տարանցման հայտարարագրով Բագրատաշենի մաքսային կետ-բաժնով ՀՀ տարածք է ներմուծվել ընդհանուր 408.65 կգ բեռ, որը 03.12.2018 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի ավարտը բեռի մնացորդ 9 կգ մասի վերաբերյալ մաքսային հայտարարագիրը մաքսային մարմնին չի ներկայացվել:

ՀՀ ՊԵԿ Արարատյան մաքսատուն-վարչության բացթողնման թիվ 1 բաժնի գլխավոր մաքսային տեսուչի կողմից 10.04.2019 թվականին «Ալֆա Ֆարմ Իմպորտ» ՓԲ ընկերության տնօրեն Միքայել Մացակյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով: Մաքսային կանոնների խախտման վերաբերյալ գործի քննությունը նշանակվել է 12.04.2019 թվականին ժամը 14:50-ին, ինչի անցկացման վայրի և ժամանակի մասին ծանուցումն առձեռն հանձնվել է վերջինիս լիազոր անձին:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Այսպիսով, վարույթի նյութերով հիմնավորվում է, որ «Ալֆա Ֆարմ Իմպորտ» ՓԲ ընկերության տնօրեն Միքայել Մացակյանը սահմանված ժամկետում թիվ

05100033/301118/0087663 տարանցման հայտարարագրով Բագրատաշենի մաքսային կետ-բաժնով ՀՀ տարածք ներմուծված բեռի մնացորդի համար մաքսային հայտարարագիր չի ներկայացրել, որի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:


Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար «Ալֆա Ֆարմ Իմպորտ» ՓԲ ընկերության տնօրեն Միքայել Մացակյանին ենթարկել վարչական պատասխանատվության՝ տուգանելով **50.000 ՀՀ դրամի** չափով:
2. Որոշման մասին հայտնել «Ալֆա Ֆարմ Իմպորտ» ՓԲ ընկերության տնօրեն Միքայել Մացակյանին՝ պարզաբանելով, որ այն օրենքով սահմանված երկամսյա ժամկետում կարող է բողոքարկվել վերադաս մաքսային մարմին (ք. Երևան, Մ. Խորենացի 3/7) կամ դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900013323010՝ գումարի 30% (ՀՀ պետական բյուջե, կենտրոնական գանձապետարան, Արարատյան մաքսային-վարչություն, ԿՈՂ 27):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Կ. ԲԱԲԱՅԱՆ